

Kerwerede 2013

Sou ehr Leit, es iss sou weit,
der Umzug iss ferdisch, meer sinn bereit,
ich hoff, ehr ah, des wär doch nett,
denn jetzt kimmt, demit sich koaner ärrt,
endlich jetzt die Kerweredd!
Ich griëß eich all, die Hoambecher un Oigeschneide,
unn aach noch all die beileibe,
all die Prominen te, die Miesmacher unn Intelektuelle,
die Exelenze, unn Dekadenze,
die Frequenze und Studenze,
alles wos heit do iss uff de Gass,
ich hoff, meer häwwe noch vell Spass!
Herzlich willkommen!

Kapelle

Ich stell vor, des iss doch klar,
zu allererschd die Kerweschaar,
ohne die ehr Leit gebst nix,
do gebst nur Worschtsupp aus de Bix.

Vorstellung:

Als allerersch, des gehehrt sich sou,
iss unsre Kerwekönigin drou,
die schläft zwar gern, gut unn long,
liest veel Bicher stunnelong,
als Blutsauger iss se bekannt,
hier in Hoamboch unn em gonze Land,
jetzt Applaus in diesem Trubel,
unser Könischin Olivia Schubel.

Applaus

Als Beisitzerinne, des iss sicher,
do stäit se schon bei meer,
dem Mathias sou Dochder, des iss sicher - Marina Fischer.
Unn die zweit debei, sou wunderbar,
iss dem Edwin Ensinger soi Dochder, die Mona!

Unn bei der Kerweborsch noja, des iss en Spass,
stell ich vor den Wiplinger-Jonas,
ferner dezu, meer konns kaum glaawe,
der Kerwe kann des niemols schade,
auch er, dess iss en Mann fun Welt,,
unsern Holzbaron, der Christoph Winterfeldt!

Olivia:

Unn wer gern feiert unn Fußball speelt,
unn dem heit die Welt geheert,
unn gern verzäilt, do iss er spitz,
bei soine Kumpel dreggische Witz,
isch glaubt es kaum, ich brand faschd dorsch,
der Julian Schuster iss **unsern Kerweborsch!**

Kapelle

Desjohr des Motto, des wor doch klar,
unser Pfarrei iss dess Johr 125 Jahr,
obwohl, domols, des ging gonz schnell,
meer hatte jo bluß e gloa Kappell,
denn unser Kersch, meer hatte koa Geld,
wurd erscht zäjhe Johr später uff die Boa gestellt.
Heit iss es e Goldstick, herrlich unn foi,
do gäit meer jeden Sunndoag noi,
Liewer Parrer Röhr meer gratulien fun Herze,
unn dunnses uns bitte doch verschmerze,
dass meer nett all Sudoags mojends die Kersch dun besuche,
meer schloafe gern long unn esse um zwölfe donn Kuche!
Um Drei gibst donn Esse, unn meer guggt donn gonz dumm,
unn ruckzuck iss der Doag donn rum.

Prost uff de Parrer unn unser Pfarrei,
meer gratulieren unn sin debei,
125 Johr iss e scheeni longi Zeit,
die wor in Glick un wor in Freud,
sou will ich jetzt moi Gloas mol stemme,
unn emol on Schluck nemme kenne! Prost!

Kapelle

Glei mol om Oufong, ich häbs noch nett verdaut,
hott uns irgendoner im Owwerdorf vorsjoher die Kerweflasch geklaut,
unser Kerwesucher häwwe geguggt unn gebuddelt,
sich sou rischdisch im Schlomm oigesudelt,
doch die Kerweflasch Woi, wou sie hie gehhert on ehr Ort,
wor donn pletzlich und wärklich fort.
Also musst en Erstatwoi her,
ja, woss will meer do veel mehr,
ich häbb jo do dou en leise Verdacht,
wos kann passiern in onrer Nacht,
wu koa Sau do iss in dem Gebiet,
äwwer meer sieht, sou wies geschiet,
uns machts nix aus, soulong der Schornstoa raucht,
vielleicht hott der Finder en Schluck Weißwoi gebraucht! Prost!

Kapelle

Ehr Leit, gonz munter unn heiter,
gäits jetzt mit Owwer-Hoamboch weiter!
Die kenne noch nett, dess is koan Scherz,
des neie deitsche Geldwäschegesetz.
Dess musste ach, ich wills mol schongliern,
der Röders-Seppel aus Oweer-Hoamboch spiern.
Der hatte soin Geldbeidel, wie immer in de Hossedasch,
doch donn begann, des iss koan Spass,
die Hos wor dreggisch, die musst unbedingt,
unn wie es holt mol sou als kimmt,
dess is gonz normal, meer muss sich nett ärrn,
alle paar Johr mol gewäsche wärrn.
Doch leider wor, dess iss e Ding,
de Geldbeidel noch in de Hossedasch drinn.
Doch die Fraa Röder hot nixx gemerkt, wie foi,
die Maschenedeer uff, unn nix wie noi!

Beim Weichspielvorgang unn 60 Groad Wassertemperatur,
hot de Seppel gedenkt, wou iss moin Geldbeidel nur,
nochdem geschleiert und gespielt,
die Wäsch wor gonz schee uffgewiehit,

kam endlich wäärer, wos en Graus,
der old Geldbeidel werrer raus!
Ja, ehr Leit, des wor holt e Sauerei,
des nennt meer Hoambecher Geldwäscherei!

Dodruff moi Glos uff eich all,
meer trinke heit uff jeden Fall,
Geldwesch hie unn Geldwesch heer,
die Hoambecher Kerwe kann noch mehr! Prost!

Kapelle

De Engelbert Meon, der junge Borsch,
en Bauerskerl sou dorsch unn dorsch,
spritisch, fit unn ohne Bosse,
dutt der jo koa Feld s auselosse.

Der kann iwwe alles unn monches schenne,
doch hot noch nie en Kaffee koche kenne!
Der hott letschde Summer, bei de Ernt,
endlich mol ewos gelernt.

Der hott, ja wie will ichs soage,
uff soi Kaut veel Haffer gelode,
unn hott nett gemerkt, ich sah es doch,
die Kaut hott katte e groußes Loch.

Sou iss es gefahrn, freehlich unn im Troam,
in 20 Minute bin ich dehoam,
unn häbb moin Haffer uff jeden Fall,
wettersicher donn im Stall.

Doch es sollte onnerscht kumme,
denn jetzt kimmt die dolle Nummer,
bis der dehoam wor mit dem Loch in de Kaut,
wor die gonz Stroß mit Haffer versaut,
unn dehoam, des wor die Schoo,
wor vum Haffer nix mäi do.

Doch noch drei Woche hott de Engelbert, des iss koan Witz,
denn doch emol gespitzt,
ob nett doch uff de Stroß,
der Haffer wächst, er dacht nur bloss!

Uff de Engelbert unn uns, mehr häjwe des Gloas,
meer trinke en Schluck, ehr Leit des wors.....

Noch nett

Kapelle

Neies Thema: Wer eh Haus hott on de Boch,
dass wisse heit die leit jo noch,
do bleibts monchmol, wos en Graus nett aus,
dass du e Bochratt hoscht im Haus nett aus.
Des s iss aach, es kennt sie jeder,
basiert der Andrea Ochs-Kleber.
Die hott katte, im olde Elternhaus, des iss vermiet,
lieuwe Mieter nett unn lieb,
doch die häwwe im Keller endeckt katt hat,
aus de Boch e groußi Ratt.
Also donn schnell bei Miss Veggelsboch ougerufe,
um gonz schnell donn zu versuche,
Alarm, Alam uff jeden Fall,
meer brauche schnell e Rattefall.
Gesagt, getan, die Andrea holt als Fraa fun Welt,
hott die Rattefall zur Verfügung gestellt.
Die Ratt wurd gefonge, alles wor rischdisch,
doch ehr Leit, unn dess iss wichdisch.
Denn ehr Leit, des sin koa Bosse,
die Fall wollt se hinnerher on de Newekoschde obrechne losse.
Lieb Andrea sei sou gut,
du hoschd doch sicherlich genug,
Nemm die Kosche for die Rattefall,
eloa uff dich uff jeden Fall,
donn konnschd du die, ich will nett hezzze,
sogar beim Finanzamt on de Steier obsetze.
Egal wies iss, meer iss es worscht,
ich häb jetzt en Riesedorschd,
houch des Glos, uff en gude Trobbe,
e Ratt dutt mich heit nett mäi schocke.

Kapelle

Ich will jo nett iwwer moi Familie schenne,
doch ich muss heit mol bekenne,
moin Bruder, der Steffen, als Monn vun Welt,
hott schun sou monches ougestellt!
Letschd iss em werrer wos wassiert, der hot sich ach gar nett scheniert,
unn iss zum Fussballgugge – SKY,

der wollt holt soi in Hepprum in de Galeriewärtschaft debei.
Hott donn schee gonz smart,
weils noh iss in de Tiefgarage fum Romschloade geparkt.
Die Zeit beim Fußballgugge ging rum ruckzuck,
moin Bruder hot sich in de Zeit verguggt.
Noch em Champignonsligspeel wollt er hoam for die Noachtruh,
doch die Tiefgarage wor do lengschd zu.
Biss der donn ons gefunne katt hott,
der demm die Garasche uffmache kenne hott,
do wor, ich gugg gonz dumm,
die halwe Nocht donn werrer rum.

Liewer Steffen, bleib munter unn heiter,
unn park mol hunderd Meter weiter,
sou trinke meer nochmol, will moi Glos jetzt häiwe,
meer losse heit aach den Exkerweborsch houchläbe!

Kapelle

Sou ehr leit, des wors for heit,
ich hoff, es hott sich koans brüskiert,
sonderne veel besser, amüsiert.
Mehr wünsche de Pfarrei zum Jubiläum alles Gute,
sicherlich aach Griefß fum Karl, de Hedi un de Ute,
losst uns feieren wie die dolle,
losst de roud Debbich ruisch ausrolle,
losst die Fanafre musizern,
losst uns in die Rous maschiern,
losst uns gäi, meer kennt es ja,
loßt uns gäi ins Adriana,
eiche wunsch ich veel Spass, ehr liewe Leit,
des wor die Kerweredd, jetzt unn heit!

Spruch:

Wem iss die Kerwe

Kapelle

Im Tale der Rosen (Lied)